

دائرة مخصوصه
در سعادتده باب عالی جوار ارنده

محل اداره :

مشرط القبر

اخطار :

مسلكمزه موافق آثار جديده مع المنويه
قبول اولانور
درج ايدنهين آثار اعاده اولانور

ديبر، فلسفه، علوم، مفروضه، ادبيات، سياست، و بالخاصه كرك سياسى و كرك اجتماعى و مدنى احوال و شئونه اسلاميه و به بحث ايدر و هفته ده بر نشر اولانور.

آبونه بدلى

سنه لكى
التى آيلنى

ممالك عثمانيه	ايچون	٦٥	٣٥	غروش
روسيه	»	٦٥	٣٥	روبله
سائر ممالك اجنبيه	»	١٧	٩	فرانق

صاحب و مؤسسلى :

ابوالعلا زين العابدين - ح . اشرف اديب

تاريخ تأسيسى

١٠ تموز ٣٢٤

در سعادتده نسخه سى ٥٠ پاره در

قبراه دن مقوا بورو ايله كوندريلىر سه سنوى
٢٠ غروش فضله آلنير

عدد : ٩٧

٧ رجب لفرد ٣٢٨ پنجشنبه ١ تموز ٣٢٦

دردنجى جلد

بونک ایچون بوکون کندیلرینک اوج مثل یزیده اولان روسلره اوله بر ایون اوینادیلر، اوله بر قهرمانلق کوستردیله روسلر قیامته قدر بونک آجیسی اونو تمایه جقلردر، وانتقامی قیامته قدر چالیشسدر ینه آله مایه جقلردر. روسلرده اوعطالت، ژاپونلرده اوجالیشمه وارکن ممکن دکل بونک انتقامی آله ماز .

کوزمیزک اوکنده ، بلسکه بتون جه-انک پیش تقدیرنده مجسم بر ملت در، که چو جقلر بیلر ژاپونیانک اسمنی بیلر . نه ایله بونامی قازاندیلر؟ ایشته بونی کال اهمیتله نظر دفته آلمی در، که ایشک اساسی بوراده در. اوت، بونلر ملتیرینی محافظه ایدرک زمانه موافق برسی ایله چالیشدیله. بوسایده تعالی ایلدیله. بزده اوصورتله چالیشیرسقی، هر شیک اسبابنه تشبث ایدرسهک ، ومایتمیزی فرنک ملیتیه تحویل ایلزسهک شبهه یوق بزده ترقی ایدرز .

ذاتاً بوراده اسباب من کل الوجوه وار، هرشی حاضر . یالکیز لازم اولان برشی وارسه اوده تشبث ایتک، چالیشمق، غیرت و فعالیت کوسترمک در. بوکا باشلادیغمز کی موفق اوله جغمز کون کی اشکاردر . بونک ایچون ایشته هان ایشه باشلاملی در . بن بونی سزدن رجا ایدرم . سزده یاشامق ، بوحالقه بدن قورتولمق ایسترسه کز سویلدکرمی نظر دفته آلیرسکیز . بن سویلدکرمک خلاصه سی ده ایکی کله در: علم و معرفت، غیرت فعالیت.

صوک

مدرسه لر قونفره سی

کچن سنه ینه بو موسسه ملرده ایدی ؛ علمامزله یالواریلش ، بر (مدرسه لر قونفره سی) یایمه لری توصیه سنده بولونولمشدی. اوفریادرلر، اوسوزلر بوقبه ده قالان بر خوشجه صدا ایمش یرینی بیلر طوته مادی ... از میرک (کویلو) غزته سی (بوتون اسلام علماسنه) سرلوحه سیله بر مقاله نشر ایدیور: بر اسلام علماسی جمعیتینک تأسیسی توصیه سنده بولونیور . حتی بونی بوتون مسلمانلره تشمیل ایتیه قدر واریور . آنجق ، فکریمزجه ، مستثنالری استئنا ایدیلرسه ، بزده کی، عثمانلی ایلنده کی ، بوتون اسلام علماسی، دیگر بر قاج دیارده کیلردن ، ایچه کریده اولسه لر کرکدر . بر کون اول ایلرله یه بیلمه لری ایسه ، ینه فکریمزجه ، مدرسه لریمزک اصلاحته باغلیدر . مدرسه لرک اصلاحی ایسه حکومتجه ، مشیختجه نه قدر غیرت ، همت کوستریلسه ، ینه ، علمامزک او «غیر رسمی» اولاجق همتلریله ، غیرتلیله وجود بولا جقدر . علمامزک غیرتلیرنک، همتلرینک ثمره دار اولماسی ده ، ینه فکریمزجه نه تک باشلیرینه ، نه ده بولونقلری یرلرده بر جمعیت بولوندیله رق چالیشمالریله قابل اولامیوب آنجق بر آرایه ، یوز یوزه کله لرینه ، یعنی هر سنه بر قونفره یایمالرینه متوقفدر .

(کویلو) نک (جمعیتی) از میرده اولسون تأسس ایدیورسه ، باری سیاستدن اوزاق بر اساس اوزرینه تأسس ایده رک ایلک تشبث اولمق اوزره شو (مدرسه لر قونفره سی) دعوتنده بولونسه ، اعتقادیمزجه

ایده جکی خدمتک ال بویو کینی دهادوغار دو غمازیرینه کتیرمش اولور . مع مافیه ، بوتشبتی ، بوسنه اولسون ، یالکیز از میرده دوغه جق بر جمعیتدن دکل ، علمامزدن هر بری کندی غیرتندن ، حیتندن ده بکله مک؛ مثلاً استانبولده کی علمامز [صراط مستقیمک ۵۵ نومرولو، ارمضان المبارک تاریخی نسخه سنده کی طونالی حلی امضالی مقاله یه بر کره کوز آتمایه تنزل ایله] اوجی بشی بر آرایه کله رک ، بردعوت هیئتکی تشکیل ایده رک بردعوتنامه نشر ایتک همتی معصوم برجه لیلر، حالیه ، استقبالیله کندیلرینه باقان زواللی دین قارداشلری حقنده اسیر که مه ییودرسه لر نه اعلا اولور . هله کندی حقلرنده نه فداکاری اولور ... الحاصل ، هله حکومتک ، مشیختک علمانی ، طلبه یی ، مدرسه لری معناً ماده دوشونمک خصوصنده کی همتلرینه ، فعالیتلرینه علمامزک متحداً ، فقط برانظامه ، بر اساسه تبعیه معاون اولمایه حالا قوشماییشلری آرتق معذور کورلمک حدینی تجاوز ایتشدن صانیرز همت ، همت ...

بر مسلمان

ایکیوز الی سنه مقدم انکلتزه افاضل علماسندن دو قنور ایستاپس طرفندن تألیف اولنوب اوصیراده انکلتزه ده حکمفرما بولنان تعصبدن طولای نشرینه امکان کوریلرمدیکی جهته بریتیش موزه نوم کتبخانه سنده محفوظ و محبوس قالان «اسلامیتک ظهور و ترقیسی و حیات حضرت محمد» نام اثر مهم انکلتزه ده کی جمعیت اسلامیه نک دلالتی و محترم قارئلرمن جانبندن مصارف طبعیه سنک تأمین صورتیله اخیراً دستکاه طبع و تمثیله قونورق ایلک فورمه سی کچن هفته اداره یه ورود ایتش و بصره والی سابق ماردینی زاده عارف بک افندی حضرتلری طرفندن ترکیه یه بالترجه جریده مزه اتخاف قلمشدر . یرسالتپناه صلی الله علیه وسلم افندمن حقنده بر اجنبی نک تحسیناتی مصور بولنان شوانری، مجرد بو اعتبار ایله شایان تدقیق کوره جک قارئلرمنی طول مدت انتظارده بر اقامق ایچون ، بو هفته دن اعتباراً بوجه آتی درجه باشلا یورز :

اسلامیتک ظهور و ترقیسی

مبات حضرت محمد

مؤلفی
مردنور ایستاپس

مترجمی

ماردینی زاده عارف

فصل اول

دین اسلامک ظهورینه قدر خرستیانلق ایله یهودیلق

احوالی حقنده معلومات اجمالیه

بیٹ سنه یی متجاوز زماندنبرو حکمفرما اولان شو دین مینک - عبادت اوئان ایله دیانت موسویه و عیسویه نک هر درلو مزاحمتنه رغماً - حاصل ایلدیکی ترقیاته رقابت خصوصنده ، دیانت وئیه دکل ، نصرانیت بیلر عاجز قالمشدر .
زیرا قسطنطین زمانندن اول وحقی تیودوسسک کونلرینه قدر

یالکیز حسن یتلریله اکتفا ایدرک وقت و زمان مناسی نظر مطالعهیه الماملریدر.

اسباب و موجباتک اجتماعی حالنده بر شرارهک ایقاد ایلیمه جکی نائرة اختلالی خلافتیه ملابس احوالده عموم انسانلرک ذکاسی، یاخود جسارتی ایقادایده مر.

(ماکابی) لر زمانه کلتجهیه قدر دیانت اسرائیلیهده تفرقه و اختلاف وقوعیه دلالت ایده جسک اثر وایاره کورلمز. بو تفرقه مذهبی، انیوکوس بیت المقدسی استیلاایدوب تکمیل یهودیلری جبراً بت پرست ایتدکن صکره باشلمش و مومی ایه فتوحاتی دهها زیاده تقویه ایچون بیت المقدسه ایپو قراطلر - وافلاطونیلر - و فیثاغوریلر فلاسفه سندن مرکب بر اقادیما تشکیل ایلشدر. بنابرین کرک بن و کرک دیگر مورخین دیانت موسویهده فارسی و ساتوسی و ایساتیستر فرقلری اوزمان صورتیاب وجود اولدقنری اعتقادنده یز. کرچه مؤخرأ ما کابیلر فلاسفه اقادیما سینه مداومت ایدن یهودیلرک کفرینی اعلان ایتشلر سده، فارسیلر اشبو تلقینات علمییه اخبار یهوددن صادق ایل (بیفوس) دن تلقی و شاتوسیله ایساتیسلر اشبو تعلیماتی عزرایله موسادن منتقل بعض محفدن اخذ ایلدکرینی ادعا ایلشدر.

اشبو فرق مختلفه تورانده حضرت یعقوبک «شیلو کلوب اهالی پی طویلا نیجهیه قدر بو عصای حکمداری یهودانک الندن کیتمز» دیو مروی اولان افادانی حضرت داود سلاله سندن بر مسیح جیقوب عالمی باشنه طویلا نیجهیه حقنده کی اعتقاده مأخذ اتخاذا ایتشلردر. حالبوکه یختنصر بیت المقدسی استیلا و اخباری اسرائیلی استیسلر ایلدیکی صرهده عصا حضرت داود سلاله سی الندن کیتمز اولمسنه نظراً حضرت یعقوبک مارالذکر عبارده سی بو صورتله تفسیر ایدن اولماش و اخبار بنی اسرائیل ربقة اسارتدن قورتیلوب بیت المقدسه عودت لرنده دخی بویله بر مسیحک ظهور و قدومندن بحث اولنماش ایدی، (انیوکوس) دخی یهودیلرک بالجمله عادات و قوانینلری منع و رفع ایلدیکی بر زمانهده دخی بویله بر مسیحک ظهورندن بحث اولنماش ایدی. انجق اخبار یهود فیثاغورسک فلسفه سنی قرائت ایتدکن، انک افادات و حساباتی تدقیقندن صکره شیلو ایله مسیحک عدد حروفی یکدیگرینه مساوی اولدینی کلایه رق بوندن بر مسیحک ظهورینی استدلال و توارانده یعقوبدن ظهور ایده جک یلزلره عائد ابخاندن مقصد حضرت مسیح اولدینی استنتاج ایلشدر.

حالبوکه تورانک حزقییل علیه السلامک سفرنده جناب حقک لسانندن «داودک ذریتی باشندن تاجی الکز، سفیلنی عالی، عالیسنی سفیل ایدیکز؛ بن انی تختدن اسقاط، اسقاط، اسقاط ایده جکم؛ بر دهها اوتاج و تخت نائل اولیمه جقدر، صاحبی و رودنده کندیسنه وزیرله جکدر.» دیو محرر اولان آیات داودنسلندن عصای حکمدارییه مالک مسیح ورودی اعتقادینی مکذبدر.

ذاتاً یهودان حضرت داود زمانه قدر تاج و تخت سلطنت بنی اسرائیل یدینه کچماش و یهودا حکمدار اولدینی کی داوده قدر

نصرانیتک شرائط و احوال سالفه سی نظر دقت و اعتباره آله حق اولورسه بومدت ظرفنده یالکیز رومانک مجلس اعیانی دکل، روما دولتی اکثریت عظیمه سنک عبادت و ثنیهیه مواظب اولدقنری کوریلور. اخیراً اجرا قلنان تعدیلات ایله تقرر ایدن نصرانیت قبل الاسلام سیل خروشان کی آسیادن هجوم ایدن غوتالرک احوال وحشیانه سنک و اول ائاده عمومی صورتده حکمفرما اولان دینسزلک و بر قسمی بت پرستلکدن عبارت بولنان اختلافات مذهبییه نک تأثیراتی، دیانت مسیحیه نک اسلامک ظهورندن صکره دهها زیاده دوچار ضعف و انحطاط اولمسی اعتقادینه مانع دکلدر.

اول تاریخدن صکره دیانت مسیحیه نک غربده و چینک بعض جهتلرنده حاصل ایلدیکی ترقیات، آسیا و آفریقاده ضایع ایلدیکی نفوذ نسبتله هیچ حکمندهدر.

زیرا اسلامک ظهوریله آسیا و آفریقا جهتلرنده نصرانیت تقریباً کوکندن قویمش و معدوم برحاله کیرمشدر.

قوری بر صحرا ایچنده، بری عموم شرقه و دیگر ایرانه حکمفرما اولان قوی الشکیمه ایکی حکومت ارمسنده صیقشمش اولدینی حالده تأسس ایدن دولت معظمه اسلامیه کندی معاصر اولان درت بیوک دولتنده دهها قوی، دهها عظیم بر دولت شکله کیرمشدر. اصل جالب نظر دقت و باعث استغراب و حیرت اولان جهت بودرکه بود دولت معظمه از بر زمانه، هر درلو و سائط و وسائلدن محروم، اطرافی دشمن ایله محاط، قلیل الانصار بر آدمک همتیله تأسس ایلشدر. جهسانک بر قسمک حرمت و محبت و بر قسمک حیرت و دهشتنی موجب اولان بو ذات محترمک مسلاک و تاریخنه شروعدن مقدم امکان نسبتنده بودولتی تأسس خصوصنده استعمال ایلدیکی اسباب و وسائلی تحری و تدقیق ایده لم و بو انقلاب عظیمک صورت حصولی اکلماق ایچون اول ائاده عالمک حال و شان و معتقداتی نظرامعانه اله.

اکایو تدابیر و وسائل بعضا عکس نتیجه یی حاصل ایلر و مقدمات و مبادی معقول و مستحسن اولدینی حالده بر چوق تشبثاتک عقیم قالدینی کورولور. بو حالک سببی شبهه سزکه بو کی تشبثاته ملائم اولان زمانک انتخابنده واقع اولان قصوردر.

بر چوق وسائل و اسباب اجتماع ایتدکجه نه بر جمهوریتک بر حکومت مطلقهیه و نه بر حکومت مطلقه نک بر جمهوریته انقلاب ایده میه جکی بدیهیدر.

بو اسباب اوله دقجه نه (بریتوس) روماده بر سنا ایجادینه مقتدر و نه (سزار) بویله حر بر مملکتده مستبد بر حکمدار اوله بیلیر ایدی. برنجی (بریتوس)ک (تارکنی) مملکتدن چیقاره بیلیمسی و ایکنجی بریتوسک انطون ایله اوغستی دوشیره مامسی، سیرکوسک، سولونک اسپارتهده، اتنهده حکومت تأسیسنه موفق اولدقنری حالده عینی حکومتی جنورهده، فلورانسده بشقه لرینک تأسس ایده مامسی اسبابی هپ بونلردن بر قسمک اهالینک استعداد و قابلیت دریش ایللری، دیگر لرینک ایسه

اولادی دخی اوله مامش و داوددن صکره تخت سلطنت بنی اسرائیل یدینه بر قاج دفعه کیروب حیقمش اولمسنه نظر حضرت یعقوب علیه السلامه مسیحک ورودینی مبشر نسبت اولنان آیات آنجق (هرو دوتس) زماننده بوصورتله تفسیر قلنمشدر .

بوتفسیر دخی هر دوتسک یهودیلره اجرا ایلدیکی مظالم و تعذبات صره سنده تسلیمت مقامنده اهالییه اعلان ایدلمش و بوصورتله کنیدیلهینه نو عمارانیت و اطمنان ویرلمشدر .

فقط هرو دوتسک احبابلری مسیحک هرو دوتس اولدیفنی ادعا و یعقوبک ذریقتندن متسلسل اولدیفنی اعلان ایتدکن صکره هرو دوتس دخی بوکا تشکر آیهودیلر حقنده تخفیف مظالم ایلدیکی کی، کنیدیلهینه بعض معبدلر دخی انشا ایتدیرمش ایدی . ایشته مسیحک کله جکی بوصورتله اهالییه اعلان و تبشیر ایدلدیکندن طولانی بیراملرده یهودیلر و یهودی دینه داخل اولان اجنیلر واسکندریه و بابلده و یهودی مقیم بولسان سائر بلدهلرده مسیحک ورودینه انتظاره باشلامشدر . یالکیز هرو دوتسلیلر هرو دوتسی مسیح اعتقاد ایتدکلرندن بویله بر انتظارده بولناملشار و فارس طائفه سندن اولان شمیدیکی یهودیلر دخی طبیعی بویله بر فکر و اعتقاد طاشیامشدر .

هرو دوتس زماننده رئیس الاحبار اولاد داوددن اولمسیله مسیحک قدومی پک صبر سزاقله انتظار ایدلدیکی اول ائنده یالانجی مسیحلرک عدم ظهوریله مثبتدر .

مسیحک ولادتندن اون سنه صکره (ارسیکوس) و یانه نی ایدلمکله بیت المقدس روما دولتنک بر سنجاغی حکمنه چکش و امید اولنان عصای حکمداری نسل داود یدندن خروج ایتمش و مملکت شام ایالته مربوط بر سنجاغ اولدیفنی کی شام والیسنه غایت آغیر ویرکو ویرمکده مجبور اولمش ایدی . بوصرده یهودیلر ظهورینی آرزو ایتدکلری مسیحی ده بر شوق مأیوسانه ایله انتظاره باشلاقلرندن بو اعتقادلری بر جوق یالانجی مسیحلرک ظهورینه سببیت ویردیکی کی هر مملکتده یهودیلر دن بیسوک بر پرنسک ظهوریله یهودی قرالی اوله جنی امیدینک تعممنه بادی اولمش ایدی . بوکی آمال و اعتقادات مسیحک ظهوری یولی تمهید ایتمش و حضرت عیسانک اظهار ایندیکی معجزه لر اهالییه مسیح اولدیفنی حقنده اول درجه قوت قلب ایله اعتقاد بخش اولمشیدی که کنیدیسی ادعا ایتمکسزین مسیح اولدیفنی اعلان و اشاعه ایدلمشدر . داود ذریقتندن اولدیفنی حقنده برکونه ادعاسی سبق ایلدیکی حالده داودک نسلندن اولمق اوزره آلقشلاشمش و کنیدیسنک یا الیاس، یا خود ارمیا، و یا مسیح اولدیفنی حقنده قناعت تامه حاصل اولمش ایدی . آنجق قرالنی حقنده اهالینک آرزو و مساعیلرینه اشتراک و یاردم ایتماسی و ناهنکام اخذ و گرفت اولنه رق و فات ایلسی اهالینک بو اعتقاد و محبتلرینی ازاله و کنیدیلهینه او قدر مأیوس و مکدر ایشدر که بیت المقدسه مرکبه را کباً دخولی هکناننده آرقه سنه دوشوب آلقشلیانلر بالاخره اعدامی ایلک ایستیانلر اولمش و تلامیذی فرار ایلدیکی کی حواریون دخی حقیقت مسیحیه حقنده شک و شبهه ایچنده قالمشدر .

حواریونک شو شک و اشتباهی حضرت عیسانک وفاتندن اوچ کون صکره دیرلیدیکی زمان طانیقده کوستر دکلری تردد ایلده مبرهندر . ننه کیم ترددلری مشاهده تأثیراتیه زائل اولدقدن صکره روما نیچه ظلمندن تخلص ایده جک مسیح اولدیفنی امید ایدرک کنیدیسنه ایلک سؤاللری : ارتق بنی اسرائیل سلطنتی اعاده ایتیه جکمیسنک ؟ استفهامندن عبارت اولمشدر .

سمایه صعودندن صکره لسان هدیه سنک وصولنه قدریت المقدسه انتظار و عیسانک تمثالی فکر و خیاللرینه صورت پذیر ارتسام اوله رق هر لسانی تعلیم ایلمسیله بابلیره، مصریره، میدیالیره و غط و نصیحت ایلک اوزره اطرافه طاغلدیلر . سالماسیونک روایتنه نظر آ حواریونک مواظ و تلقیناتلرینی تلقی ایدنلر کیتدیکلری ممالکک اهالی اصلیه سی اولیوب او مملکتلرده کی یهودیلر ایدوکی مستبان اولیور . بونلر ذاتاً مسیحک ورودینی انتظار ایدنلر اولملریله (پلات) ک اعدام ایلدیکی عیسی مسیح اولدیفنی سویلر سویلر اوجیک کشی بردن نصرانیته اعتساق ایله تعمیدلرینی اجرا ایتدیرمش و کنیدی مملکتلرنده بولنان دیگر یهودیلری دخی نصرانیته قبوله تشویق و ترغیب ایشلر ایدی . حواریون دخی مملکت مملکت طولاشه رق حضرت داودک تبشیراتی دائره سنده بر مسیحک ظهور و وفاتندن اوچ کون صکره دیریلوب سمایه صعود ایلدیکنی و ایکنجی کلیشده بنی اسرائیل سلطنتی اعاده ایله تکمیل جهانی عدل و احسانیه مستفید ایده جکنی وعده و تبشیره باشلامش ایدی .

بوتلقیناتک نه صورتله حسن تلقی ایلدیکنی ده ها واضح صورتده اکلامق ایچون اول ائنده یهودیلرک بولندقلری حالی تشخیص ایتک لازم کلور . بوبابده بر فکر مخصوص حاصل ایتک ایچون (اکریبان) ک روما قرالنه یازدینی مکتوبک بر فقره سنی ترجمه ایده میم : « بیت المقدس یالکیز یهودیلرک پایی تحتی دکلدر . بلکه ده بر جوق ممالکه اجرای نفوذ ایدن بر عاصمه سلطنتدر . زیرا کرک جوارنده بولنان مصر و فنیکه و سوریه ده بر جوق یهودی بولندیفنی کی یانفیلا و سلیجیا و آسیاده بیغینایه قدر یهودیلر واردر . اوروپاده دخی تسالیاده، پیوسایه ده، ما کدونیا ده، ایتولیاده، انیقده ده، ارغوسده، قورنتده، خصوصاً پلوتیوسوسده و قبریس و کریده حتی فرائک ارقه طرفنده و منبت و محصولدار هر بر اراضیده یهودیلر واردر . »

بونی ده زیاده اثبات ایتک ایچون اسکندریه ده بولنان یهودیلرک عدلریله مجموع قوتلرینه باقهلم : مصر و اسکندریه یهودیلرینک عدد و قوتلرینی اکلامق ایچون ده ژوزیفیس ایله فیلونک کتابلرینه مراجعت ایده لم . او صراالرده روما لورجه مناصب سامیه دن معدود اولان ملکی و عسکری مراتب و مناصبی یهودیلره توجیه اولنور ایدی . هلیوپولیسده کنیدیلهینه مخصوص بر سیناغو انشا اولمش و کنیدیلهینه قید حیات شرطیله مجلس اعیان اعضا سندن برینی حکمدار انتخاب ایتک صلاحیتی ویرلمشیدی .

حبر ژوزیفوسک آتیه ده کی افاداتی اشبو مدعایه دلیلدر .

موجود اولدیغنی دأثما اوقودیغمز و بیلدیگمز جهته بزمکیلره تأسف خوان اولورز . اکر بز اوروپالیرک هر حالی علی العمیا تقایده قالدیشیرسوق شبهه سز چوق متضرر اولورز . نته کیمده اولدق و اولمقدمز . حابوکه شو عصرک اک بیوک قهرمانی ، صاحب شانی اولان ژاپونیا لیر اوروپالیرک یالکیز ای شیلرینی آلوب ای اولیمان احوالی تقلیددن ممکن مرتبه احتراز سایه سنده مظهر موفقیات اولمشلردر .

دین مبین ده هرشی واردر دیمک هرشیثک اساسی ، میزانی واردر دیمکدر . ایشته بزده فرنکلرک احوالی دینرک اساسلری اوزرینه تطبیق و میزان شریفلرله تدقیق ایتدکدنصکره ایشیمزه کله نلرینی آلمالی کلیه نلرندن قاجالی بز . مثلاً فرنکلر ، ال یوز ییقامق ایچون یالکیز لکن ، اغتسال ایچونده بانیو تکنه سی قوللانیرلر . شمدی بزم فرنکلشمک ایسته یین بعض کسه لر مرک بونلری قوللانمق ایسته ملرینه تأسف ایدلرمی ؟ چونکه نیجه سنه لر دنبری تطهر ایچون کافی عد ایتدکلری بو طرز لرک نا کافی و غیر موافق اولدیغنی ده ایاک یکی آکلادقلرندن کچکرده ایلاک دفعه اوله رق آمریقاده مسلمانلر طرزنده مطلقاً ماء جاری ایله اغتسال لزومنده اصراره باشلادیلر . هله قار و امثالی اعتیادات قیجه لرینی تقلیده کی انهما کز پک شایان اسفدر . جناب حق انجمنی خیر ایله .

اساسی بزدن آلمشدر . اسکی کتابلری مزه باقالم دییه یالره ده های های بقالم ؛ و حتی مقتدر ذواتدن مرکب هیاتلر تشکیل ایدره رک منحصرأ بونلری تدقیق ایتدیرم دیرز . اجانب دخی تصدیق ایدرلرک دین اسلام مدنیت حقیقیه نک اساسنی وضع و تفرعاتی حقنده پک بیوک حکمتلر کوسترمشدر . ایلاک عصرده کی مسلمانلر دین مبینمزی حقیله اکلایوب اوکا کوره حرکت ایتدکلرندن مثلاً علم جبر تاحضرت علی (رضی الله عنه) افدمزدن باشلامش و در حال سائر شعبات حکمتده رغبت اوله رق (الحکمة ضالة المؤمن ایما وجدها اخذها) حدیث شریفی موجب عالیه سیجده آثار یونانیه دن و سائرده دن استفاده خصوصنده پک بیوک همترارانه بیورمشلردر . حاصلی قرآن عظیم الشان واحادیث شریفه ایله وضع ایدیلن اساس اوزرینه غایت مکمل ابنیه مدنیت یامقی اوزره چالیشلمش و موفق ده اولونمش ایسه ده بر چوق اسبابدن و باشلیجه اولوقت حال جهالتده بولنان اوروپالی لرک تعرضات بی نهایت سندنطولای مع التأسف دوچار تأخر اولمشدر . و اوندن صکره تکرار ترقی ایدمه مکملکمز اک قطعی سببده دین مبینمک مقتضای منیفی تحصیل علم ایچون مه ددن لحده قدر چالشمق اولماسنه و خیایجه چالیشلماسنه رغماً تعمیم معارفه موفق اولامامز در که بونکده سبی اوقویوب یازمانک آلت و مفتاحی اولان حروفنرک نا کافی لکی در . هر نه حال ایسه اوروپالیر کرک دین اسلامک وضع ایتدیکی اساسلری و کرک مسلمانلرک بر چوق عصرلر اوغراشه رق میدان کتیردکلری معمورات مدنیت و حکمتلری آلوب بر خیلی زمانلر تقلید ایله اوغراشدقندن صکره نهایت توسیعه موفق اولمشلر وهم اوپله

مومی الیه کتابنده : «اسکندریه ده سیناغوبی کورمیان بنی اسرائیل دولتنک بیوککلکی کورمیش دیمکدر . التوندن معمول وجواهرله مرصع دروننده یتش عدد صندالیه واردر . سیناغو جماعتک کثرتندن واعظ اولان خبر آمین دینله جک محللرده مندیله ایله اشاره مجبور ایدی . مابعدی وار

دین اسلام و علوم فنون

نامنده کی اثر معتبردن

جمله مرک مع التأسف کورمکده اولدیغمز وجه ایله شو زمانده بر طاقم کنجلیرمز واردر که دولت و ملت مرک ترقیسی ، قوتلنمسی انجق ترقیات غربیه یی اخذ و نقل ده همده آثار عربیه و دینییه هیچ اهمیت ویرمه رک یالکیز فرنکلرک هر حالی اخذ و تقلیده بولورلر . بر قسممزه فرنکلرک هر ایی شیلری بزدن آلدقلرندن آثار قدیمه مزی ، کتب دینییه مزی تدقیق و موجب لنجه عمل ایدره رک اوروپالیر هان همان احتیاجمز قالمایه جفتی ظن و ادعا ایدرلر . هیچ شبهه یوقدر که بونلرک هر ایکسییده و قوفسزلق نتیجه سی در . اولکی قسم ؛ دین جلیلمزی و آثار عربیه یی ایکنجی قسمده ترقیات حاضره نک حالی ، وسعتی بیلدکلرندن بویله ادعاره قالدیشیرلر . بوکون بالمله ملل متمدنه نک نائل اولدقلری بونجه ترقیات عظیمه نک منشائی ، مبتدی دین اسلامدر . و بو بر حقیقت در که بزذن زیاده اوروپالیرجه معلومدر . شارل مسیمرک (مسامره قسطنطنیه) دییه ترجمه ایدیله بیله ن (سوواره دوقونستانینوپل) نام کتابنده بر تفصیل بیان و اثبات ایدلیدی وجه ایله فرنکلرک بو کونکی ترقیاتی ، مدنیتی هپ دین اسلامک وضع ایتدیکی اساس متین اوزرینه بنای سبی ایللری سایه سنده حاصل اولمشدر . مشار الیه اوروپالی لر اخلاق اجتماعیه لرینی ده خرافات یونانیسه اوزرینه بنسا ایتدیرم یوب اخلاق اسلامیه اساس متینی اوزرینه بنسا ایتدیرمش اولایدیلر شمدیکی بر چوق سفاهتلری ، سفالتلری میدان آلامازدی دیور . اوروپالیر معنویات جهتیله دین اسلامه پک زیاده مفقور اولدقلری کبی مادیات خصوصنده واصل اولدقلری محیر العقول ترقیاتک اساسنی بزذن آلدقلرینه دلالت ایدره احوال مفقود دکلدر . نه حاجت ؛ ده شمدییه قدر کتب و آثار عتیقه اسلامیه نک تدقیق ایله اشتغال ایللری اثبات مدعایه دلیل کافی دکیدر ؟ بیلیم قاج سنه اول انکلتزه دولتنک بعض مسائلده مقتضای شرع میندن استفاده ایتک اوزره رسماً ایراد ایتدیکی سؤاللره شام علماسندن مفتی اسبق مرحوم شبیخ حمزه افندیکن ویردیکی جوابلر معلوم اولدینی کبی بغداد مفتی مشهوری زهاوی مرحوم کبی علمامزذن اوروپا و آمریقالی مدققینک اورالره قدر کدوب استفاده ایتدکلری معروفدر . نه قدر کنجلیرمزی بیلیم که بعض حقایق حکمییه یی اوروپالیرک فلان و یافلان فیلسوفه عطف ایله اونلری انسانلرک فوقنده بر مرتبه یه ایصال ایله مک ایستلر . بز او فیلسوفلره بز شی دییمه رک او حقایقک ده اشممل و اکمل بر صورتده قرآن عظیم الشان و یا احادیث شریفه ده